

Broj: 01/1_____/19

Datum: _____.____. 2019. godine

Na osnovu člana 24. Statuta Općine Kakanj ("Službene novine Općine Kakanj" broj: 4/08) te člana ____ . Odluke o izvršavanju Budžeta Općine Kakanj za 2019. Godinu ("Službene novine Općine Kakanj " broj: ____), Općinsko vijeće na svojoj _____sjednici održanoj dana____.____. 2019. godine, usvojilo je

PROGRAM

Utroška sredstava od koncesionih naknada

I

Planirana sredstva Budžetom Općine Kakanj za 2019. godinu u okviru pozicije "Transfer Zavodu za planiranje i izgradnju po osnovu koncesija", ekonomskog koda 614 300, u iznosu od **2.700.000,00 KM** , raspoređuju se po slijedećim namjenama:

REDNI BROJ	NAZIV PROJEKTA	VRIJEDNOST (KM)
1.	Vanredno održavanje lokalne ceste Zgošća- Tršće (Sanacija klizišta i odrona na lokalitetu Crnačka stanica) Izmirenje obaveza prema Izvođaču radova i Nadzoru nad izvođenjem radova	300.000,00
2.	Rekonstrukcija puteva u MZ Pope	70.000,00
3.	Izgradnja dionice ceste D.Kakanj- Kondžilo sa nadzorom- I faza	2.283.000,00
4.	Nabavka građevinskog materijala	25.000,00
5.	Projektovanje i nadzor	15.000,00
6.	Laboratorijsko ispitivanje materijala koji se ugrađuju prilikom izvođenja svih vrsta radova	7.000,00
	UKUPNO:	2.700.000,00

II

Realizacija navedenih projekata vršiće se na osnovu validne tehničke dokumentacije i provedene procedure po Zakonu o javnim nabavkama ("Sl.glasnik BiH" br.39/14).

III

Za realizaciju projekata po ovom Programu, zadužuje se Zavod za planiranje i izgradnju općine Kakanj.

IV

Ukoliko mještani spriječe realizaciju projekta ili iz bilo kog drugog opravdanog razloga ne dođe do realizacije nekog od projekata ili se projekat ne implementira u skladu planiranim sredstvima, Zavod može sredstva preusmjeriti na drugi projekat iz istog Programa, gdje se ukaže potreba.

V

O realizaciji utroška sredstava po ovom Programu, Zavod za planiranje i izgradnju općine Kakanj je obavezan podnijeti izvještaj Općinskom vijeću

VI

Ovaj program stupa na snagu danom donošenja, a naknadno će se objaviti u "Službenim novinama Općine Kakanj"

PRESJEDAVAJUĆI OPĆINSKOG VIJEĆA

Slaven Katičić

OBRAZLOŽENJE

Budžetom općine Kakanj za 2019. godinu za realizaciju Programa utroška sredstava od koncesionih naknada predviđeno je **2.700.000,00 KM** a raspored predloženih projekata dat je u tabeli prema sljedećim namjenama:

1. Sanacija klizišta i odrona na lokalitetu Crnačka stanica – 300.000,00 KM

Odlukom o izmjeni i dopuni Programa utroška sredstava od koncesija za 2018. godinu donesenoj dana 30.10.2018. godine planirana je pozicija: Vanredno održavanja lokalne ceste Zgošća- Tršće (sanacija klizišta i odrona na lokalitetu Crnačka stanica) u iznosu od 300.000,00 KM. Nakon donošenja te Odluke a na osnovu Okvirnog sporazuma o redovnom i vanrednom održavanju cesta, sa društvom “Trgopod” d.o.o. Kakanj sklopljen je i ugovor o izvođenju radova na sanaciji klizišta koje se aktiviralo nakon radova na rekonstrukciji ceste Zgošća- Tršće. Projektu dokumentaciju i nadzor nad izvođenjem radova je vršilo društvo “Modus projekt” d.o.o. Kakanj. Radovi su većim dijelom i izvedeni do kraja 2018. godine ali zbog slabijeg priliva sredstava u budžet po osnovu koncesionih naknada u 2018. godini, plaćanje ovih obaveza je preneseno u 2019. godinu, kako prema izvođaču radova tako i prema nadzoru nad izvođenjem radova.

2. Rekonstrukcija puteva u MZ Pope – 70.000,00 KM

MZ-a Pope je jedna od ugroženijih mjesnih zajednica jer je okružena koncesionarima. Infrastruktura u ovoj mjesnoj zajednici a naročito cestovna infrastruktura je u lošem stanju. Mjesna zajednica je uzela učešće u smislu da je finansirala izradu projektne dokumentacije za cestovne pravce kojima je potrebna rekonstrukcija. Predloženi iznos bi bar dijelom zadovoljio potrebe ove mjesne zajednice.

3. Izgradnja dionice ceste Donji Kakanj – Kondžilo sa nadzorom nad izvođenjem radova – 2.283.000,00 KM

Tokom 2017. godine obezbjeđen je Glavni projekat od strane društva „Modus projekt“ d.o.o. Kakanj i obezbjeđena je Urbanistička saglasnost. Obzirom da trasa ceste dijelom prolazi kroz privatne parcele pokrenuta je i procedura eksproprijacije parcela što je uslov za izdavanje Odobrenja za gradnju i sam početak gradnje ceste. Postupak eksproprijacije je u završnoj fazi i može se očekivati i izdavanje Odobrenja za gradnju tokom 2019. godine. Dužina novoprojektovane trase iznosi 2.609,4 m u okviru koje su planirana i dva mosta (vijadukta) ukupne dužine cca 80 m. Pošto se u ovom slučaju radi o višemilionskom projektu, prema projektantskoj vrijednosti radovi iznose cca 2.800.000,00 KM, planirano je da učešće u izgradnji ove saobraćajnice uzmu i privredni subjekti koji imaju svoje interese na tom području općine.

Kako je definisan i potpisan ugovor o koncesiji između RMU i Vlade ZDK sredstva na ovoj budžetskoj poziciji su izvjesnija. Ipak, u implementaciju projekta će se ući tek nakon uplate sredstava u budžet po osnovu koncesija od RMU Kakanj.

4. Nabavka građevinskog materijala - 25.000,00 KM

Predloženi iznos predstavlja minimum sredstava potrebnih za nepredviđene radove koji se mogu pojaviti, a vezani su za manje intervencije na hidrotehničkim objektima (vodovodima i kanalizacijama), kao i drugim objektima na područjima koje najviše ugrožavaju koncesioneri na općini Kakanj. Sredstva sa ove pozicije se uglavnom koriste i kao sufinansiranje Općine u vidu nabavke materijala u situacijama kada mještani sami izvode radove na infrastrukturnim objektima u svojim MZ-a.

5. Projektovanje, nadzor i tehnički prijemi objekata - 15.000,00 KM

Predloženi iznos je potreban za izradu projektne dokumentacije manjeg obima koja je od značaja za Općinu. U fazi realizacije ovog a i drugih programa iz budžeta Općine te sredstava koje opredjeljuju viši nivoi vlasti često se ukaže potrebe za izradom pojedinih projekata a isto tako i za nadzor nad izvođenjem radova. Ovom stavkom su obuhvaćeni i troškove izdavanja svih saglasnosti potrebnih u fazi izdavanja Urbanističke saglasnosti i Odobrenja za građenje za projekte od interesa za Općinu. Takođe, s ove pozicije je planirano i plaćanje troškova Komisija za tehničke preglede i prijeme objekata koji su u nadležnosti Zavoda.

6. Laboratorijsko ispitivanje materijala koji se ugrađuju prilikom izvođenja svih vrsta radova – 7.000,00 KM

Poznato je da je prilikom izvođenja radova na nekom objektu obaveza izvođača radova da obezbjedi atestnu dokumentaciju za sve ugrađene materijale, što izvođači u svakom slučaju i urade. Međutim i pored pozitivnih rezultata dostavljene atestne dokumentacije često se u praksi pokaže loš kvalitet ugrađenog materijala a onda uslijedi dugotrajna prepiska između ugovornog organa, nadzora, izvođača, laboratorija i sl.

Sve je češća praksa i drugih investitora da neovisno o obavezama izvođača radova vrše kontrole kvaliteta ugrađenog materijala.

OBRADIVAČ:

Zavod za planiranje i izgradnju općine Kakanj

PREDLAGAČ:

Općinski načelnik